

Allorfik

**Ima meeqqavit qarasaasiakku
pinnguaatersortarnera pillugu
oqaluussinnaavat**



Qanoq ilillutit meeqqavit qarasaasiatigut pinnguaatinut atuinera
oqaloqatigiissutigisinnaanerinit tunngatillugu ilitersuummi uani
atuarneqarsinnaapput.

1 | Oqaloqatiginissaanut piareersarit

Eqqarsaatigilluaruk suut eqqartorniarnarlugit, suullu oqaloqatigiinnermi eqqumaffiuisinnaanersut, suut pillugit aperiniarpiuk sunalu oqaluunnermi anguniarneqarnersoq? Aamma eqqaamasassanut allattuiffiliorsinnaavutit, taanna uterfigiuaannarsinnaallugu pisinnaavutit.

2 | Qitornat oqaluttuutigit suna eqqartulernerlusiuk

Qarasaasiatigit pinnguaatersortarneq pillugu oqaloqatigiinneq ingerlassasoq, tamannalu pillugu apeqqutissaqartutit. Eqqumaffigiuk/alaatsinaaguk qitornavit qarasaasiakkut pinnguaatersornermi pikkoriffii kiisalu inuunera. Suut eqqortuunersut eqqortuunngitsuunersullu eqqumaffigikkitt.

3 | Suna pinnguaatip anguniagarineraa apersoruk

Isumatusaarnerussaaq qarasaasiakkut pinnguaatit eqqartornerani soorlu sunngiffimini sammisartagaanut tunngasunik apersorneratut eqqartueqatiginissaa. Pinnguaat pillugu apeqquteqarit, soorlu timersornermut tunngatillugu apeqquteqaraangavit:

"Unammineq qanoq ingerlava?" "Kikkut ilagaagit?" Unamminissamut sungiusarpi-si?". Anngaappat, "Sungiusarneq qanoq ililluta ilinniakkerinissamut pilersarusiorsinnaavaput?".

Meeraq sungiusarluarsimassappat, taava sungiusartarnera atuarnernut akornutaatinagu pilersarusiorneqartarpoq. Imaassinnaasoq qarasaasiakkut pinnguaatersornerit pillugit isiginnittariaatsit allanngortittariaqassagit.

Angajoqqaat ikittuinnaat meerartik unammilluni arsarteq unammileruttortoq unitsisinnaanngilaat, angerlarsimaffimmilu qarasaasiakkut pinnguaatersornerit unitsiinnarsinnaavaat unnukkut nerisassat piareernerit pissutiginnarlugit, assersuutigalugu. Taamaattumik ataatsimoorullugu/paaseqatigiiffiusumik pinnguaatersorneq pillugu aaqeeqatigiittoqartariaqarpoq.

4 | Paasinnilluarit

Qitornavit qarasaasiakkut pinnguaatersortarnera paasilluarumallugu suut pinnguaatersuutigisarnera paasilluakkit, sumullu tunngasuunersut aamma, soorlu taak-korpiat pinnguaatersortarnera ilanngullugit, inuuneranullu suut ajoqutaasinnaanersut eqqumaffigalugit. Ingasaallugu pinnguaatersorup inuunermi ajornartorsiutinik nassataqarsinnaanera, assersuut: kiserliulerneq, ilaqtutanut ikinngutinulluunniit

ajornartorsiutit, imaluunniit aapparisaamit qimagaanerit. Pingaaruteqarpoq qitornappit oqaluttuarnissaanut periarfissinnissaa.

5 | Isumakuluutit eqqartukkit

Qitornannut piviusunik assersuusiorit, qitornavit pinnguaatersortarneranut alaatsinaannerit isumakuluutitillu ersarissuutikkitt. Assersuutigalugu qanoq sivitigisumik pinnguaatersonermut qitornavit atuinera, immaqaluunniit isumaqatigiissutinik eqquutitsinnginnera il. il. Pimoorussivallaartuunak, kisianni oqaluttuullugu sooq isumakuluuteqarnerlutit.

Assersuutigalugu: *"Ikinngutiginerpaasat Inuk aneeqatigissaarpiulluunniit? Aamma arsariassaarputilluunniit. Isumakuluutigaara kiisalu ajunnginnersutit paaserusuttarpara. Oqaluttuutilaannga sooq Inuk peqatigisarunnaarnerit imaluunniit arsariassaarlutit, qarasaasiakkut pinnguaatersorniaannavillutit pinerit?"*.

6 | Periarfissat allat eqqartorsigit

Suut qitornavit nuannarai? Ilaqutariittut suut sammineqarsinnaappat? Imalt. kammalaatini qanoq peqatigeqqittalernissaat il. il.

7 | Ataatsimoorussamik malitassalioritsi

Oqaluutereernerup kingorna qitornavit qarasaasiakkut pinnguaatersortarnera pillugu aaqqeeqatigiigitsi, pinnguaammik atuinerit, piffissaq sungiusarnernut atorineqartartoq, unammiaarnerit kiisalu pinnguaatersornerujussuaq, ataatsimoorussamik malittarisassiorsinnaavusi qarasaasiamik atuinerimut tunngasunik.

Imaassinnaavoq ass. qitornavit piffissaq ullorlu aalajangersimasooq atortarsinnaagaa, imaanngitsoq ullut tamaasa piffissami sivikitsuinnarmi. Aamma nerinerup nalaani tablet-sit oqarasuaatillu angallattakkat (mobil) nassarneqassanngitsut, kiisalu piffissaq aalajangersimasooq internet ikumasassasooq.


Eqqaamallugu qitornavit qarasaasiakkut pinnguaatersornerata pisariaqartitai aallaaviginissaat, unammiaarnerillu. Piffissap aalajangiisuunnginnissaa pingaarpoq, online-kkut qaqugukkut ingerlanneqartarnera kiisalu pinnguaatersornermi unikkallarneq (pause) toorneqarsinnaanngimmat imaluunniit pinnguaat qamiinnarneqarsinnaanani. Soorlu arsaalluni unammineq aamma maanaannaq qimanneqarsinnaanngitsoq.

8 | Eqikkaaneq

Isumassatsialaavoq oqaloqatigiinneq eqikkaanermik naggasissallugu, taamaasilluni qitornap paatsuunnginngin-nissaa anguniarniarlugu. Taamaasilluni qitornaasup suut isumaqatigiissutigineqarnersut paasillaarniassammagit.

**Aningaasanoortarneq pinngitsuisinnaanerlu
pillugit paasisaqarnerorusuppit?:**

WWW.ALLORFIK.GL



Paasisaqarnerorusukku:

✉ allorfik@allorfik.gl

☎ +299 34 14 50

💻 www.allorfik.gl